



Republika e Kosovës
Republika Kosova
Republic of Kosovo



Komuna e Kaçanikut
Opština Kacanik
Municipal of Kacanik

01Nr. 60/01-17845/23
Kaçanik, 31.07.2023

PROCESVERBAL

Nga mbledhja e **VII (shtatë)** e rregullt e Kuvendit të Komunës Kaçanik për vitin 2023 (Legjislatura e shtatë), mbajtur me 31 korrik 2023. Mbledhja u mbajt në katin e tretë të objektit të komunës, në sallën e kuvendit, në ora 11:00.

Nga përbërja e përgjithshme e Kuvendit të Komunës prej 27 anëtarëve, pjesëmarrës në mbledhje ishin 27 anëtarë – të gjithë.

Nga Ekzekutivit i Komunës, në mbledhje morën pjesë: Kryetari i Komunës, Besim Ilazi, Nënkryetari i Komunës, Sabedin Vishi, Drejtorët e drejtorive: Bahri Selimi-DBF, Ramadush Osmani-DSHPE, Qamil Stagova- DUKMM, Suhad Dullovi- DBPZHR, Dardana Tafili-Dauti-DAP, Pranvera Loku-Zharku- DZHET, Sali Malsiu-DSHMS, Hafize Sallahi-DKRS, ndërkaq nga zyrtarët e komunës në kuadër të detyrave të punës ishin: Bejtulla Dalloshi, Fatlume Guri-Selimi.

Nga strukturat vendore mbledhja monitorohet përmes Teleprezencës nga Vjosa Ahmetaj – MAPL Mbledhja ka transmetim të drejtpërdrejtë.

Mbledhjen e kryesoj, Kemal Murseli- Kryesues i Kuvendit
Procesmbajtës, Mavije Murseli.

Kryesuesi i Kuvendit : Të nderuar pjesëmarrës, së pari iu përshëndes të gjithëve, iu dëshiroj mirëseardhje, konstatoj kuorumin, të gjithë janë prezentë, kushte pune për mbajtjen e mbledhjes ka, e hapi mbledhjen e VII (shtatë) të rregullt të Kuvendit të Komunës për vitin 2023.

Para se të filloj me leximin e rendit të punës, dëshiroj të konfirmoj se në dy vendimet e mbledhjes së kaluar, njëri për formimin e komisionit dhe njëri vendim paraprak për dhënien e pronave në shfrytëzim, të premtën në mesdite nga MAPL, na është kthyer në rishqyrtim, pasi që në muajin gusht ne nuk kemi seancë, jemi në pushim. Afati ligjor për rishqyrtim të këtyre vendimeve është 30 ditë prandaj ne duhet ti trajtojmë dhe ti shqyrtojmë sot. Paraprakisht ju njoftoj se tek vendimi paraprak për dhënien e pronave në shfrytëzim, MAPL ka kërkuar që të ndahen në dy vendime, konkretisht të ndahen pronat që jepen në periudhë afatgjatë dhe pronat në periudhë afat shkurtër sepse në vendimin e kaluar kanë qenë në një vendim të gjitha. Njashtu edhe tek formimi i komisionit kanë kërkuar të formohet komision i veçantë për secilin vendim, edhe për pronat afatgjatë dhe ato afat shkurtër. Gjithashtu edhe tek vendimi për formimin e komisionit kanë thënë që i njëjti komision nuk mundet me i shqyrtua dy propozim vendimet. Lidhur me këto komisione MAPL ka kontestuar nenin për pagesën e natarëve të komisionit. Për shkak çështjes së afatit ligjor të cilin e ceka edhe më lart edhe njëherë ju pyes a jeni të pajtimit që ti trajtojmë këto dy pika në këtë mbledhje.

REND PUNE

1. Aprovimi i Procesverbalit nga mbledhja e kaluar e Kuvendit të Komunës;
2. Raporti Gjashtëmujor financiar për periudhën Janar – Qershor 2023;

3. Propozim Vendim për vërtetimin e interesit të përgjithshëm publik për këmbim të pronës komunale me pronën private, ZK Runjevë ;
4. Propozim Vendim për vërtetimin e interesit të përgjithshëm publik për këmbim të pronës komunale me pronën private ,ZK Begracë;
5. Propozim Vendim për ndryshim plotësimin e Vendimit 01Nr.60/01-33331/22 ,të datës 29.12.2022 - Për ndryshim plotësimin e vendimit të kuvendit të komunës 01NR.104/02-19963 ,të datës 02.09.2022 - Për formimin e komisionit të ankesave për procedurën e dhënies në shfrytëzim të pronës së paluajtshme të komunës;
6. Propozim Vendim për ndryshim plotësimin e Vendimit paraparak 01Nr.104/02-13790/23,të datës 30.06.2023 Për dhënien e pronës së paluajtshme të komunës në shfrytëzim afatgjatë dhe afatshkurtër;
7. Propozim Vendim për ndryshim plotësimin e Vendimit 01Nr.104/02-13788/23, të datës 30.06.2023 Për formimin e komisionit vlerësues për dhënien në shfrytëzim të pronës së paluajtshme të komunës.

Lidhur me rendin e punës e hapi diskutim:

z. Agim Mani: Megjithëse ka qenë dashtë ma herët me na njoftua është pak me vonësë.

z. Adnan Reka: Ne sot a do të marrim dy vendime për dhënien e pronës afatgjatë dhe afatshkurtër.

Kryesuesi i Kuvendit : Vendimi qe është këtu është vendim edhe për afatgjatë dhe afat shkurtër .Ne ketë vendim e plotësojmë ndryshojmë dhe e bëjmë vendim paraparak vetëm për afatgjatë sepse kërkesa e MAPL, ka qenë nuk mundet me një vendim me u përfshi edhe për afat shkurtër edhe afatgjatë sepse janë dy procedura të ndara ,afat shkurtër jemi duke e hekur krejt jemi duke e lenë për ma vonë.

Atëherë rendin e punës e shtroj në votim për aprovim dhe i njëjti u aprovua njëzëri. Prezentë 27. Në sajë të kësaj del konstatimi së Kuvendi i Komunës,

APROVOJ

Rendin e punës në përbërje prej 7 pikave.

U kalua në shqyrtimin e pikëve sipas renditjes:

1. Aprovimi i Procesverbalit nga mbledhja e kuvendit të Komunës

Vërejtjen në Procesverbal paraqiti z. Adnan Reka: Në mbledhjen e kaluar paraprahe konkretisht në mbledhjen e 5-të, kamë bërë dy pyetje për të cilat nuk kam marrë asnjë përgjigje andaj pse duhet të vazhdojë të bëj pyetje përderisa asnjëherë unë nuk marr ndonjë përgjigjeje, po ashtu asnjëra nga këto pyetjet e mija nuk janë evidentuar në procesverbal.

Pyetjet e mija kanë qenë: Përkundër faktit qe shkolla fillore “Emin Duraku” është e vjetër dhe për kundër renovimit në vitin e kaluar të tualeteve në atë shkollë, tualetet në gjendje të keqe dhe primitive mbeten shqetësim i madh për fëmijët dhe prindërit e tyre e aq më tepër për fëmijët me nevoja të veçanta që ndjekin mësimet në atë shkollë. Si rezultat i gjendjes së keqe të këtyre tualeteve, andaj kërkojë që të ndërmerreni masat e nevojshme në mënyrë që të mos iu cenohet e drejta për shkollim fillor këtyre fëmijëve, konkretisht fëmijëve me nevoja të veçanta të cilët janë të ndjeshëm për shoqërinë.

2.Çfarë po ndodh me rrugën diaspora, e cila nuk është asfaltuar deri tani. A ka gjasë qe kjo rrugë të përfundojë më shpejtë duke marrë parasysh faktin qe kjo rrugë i përket zonës tatimore një apo dy.

3. Lidhur me disa ndryshime te korniza afatmesme buxhetore e komunës se Kaçanikut, pas fjalës së kryetarit të komunës kam pyetur se a është kriter numri i nxënësve të shkollës mbi 250

e jo mbi 200, që do të thotë kjo duhet të përmirësohet. Gjithashtu pas fjalës se z. Selajdin Tronit kam cituar se nuk janë më tepër se 250 nxënës.

Kryesuesi i Kuvendit: Procesverbalin e mbledhjes së kaluar të KK e shtroj në votim për aprovim me vërejtjet e Adnan Reka dhe i njëjti u aprovua njëzëri. Në sajë të kësaj del konstatimi së Kuvendi i Komunës,

APROVOJ

Procesverbalin e mbledhjes së VI (gjashtë) të Rregullt të Kuvendit të Komunës Kaçanik, të datës 30.06.2023 / Lënda: 01Nr. 60/01-14754/23.

Procesverbalin do të publikohet i korrigjuar.

Kryesuesi i Kuvendit: Kalojmë në pozicionin e Pyetjeve dhe Kërkesave:

Pyetje dhe Kërkesa

z. Adnan Reka: Para se të kalojmë tek kërkesat, fillimisht kërkojmë nga kryesuesi i kuvendit që të bëhet më i vëmendshëm dhe më i përgjegjshëm si Kryesues i këtij Kuvendi, të sigurojë që pyetjet dhe kërkesat që NE asamblastët si përfaqësues të qytetarëve që i shtrojmë në këtë Kuvend të mos hasin në vesh të shurdhër, është përgjegjësi kryesuesit të gjej mekanizma që ta obligojë administratën komunale të kthejë përgjigjeje me kohë për secilin pyetje apo kërkesë dhe për secilin asamblastë, pa dallim dhe pa diskriminim. Mendojmë që është më mirë ta obligojmë ekzekutivin të kthejë përgjigjeje se sa të flasë në emër të tyre.

Tani po e shtroj kërkesën që kam nga banorët dhe pronarët e bizneseve të vogla të lagjeve “Qamil Ilazi” dhe “Sali Bajra”.

Ndonëse, këtë kërkesë banorët e këtyre lagjeve e kanë adresuar si **ankesë** edhe tek Kryetari i Komunës dhe Drejtori i Shërbimeve Publike, ata kanë kërkuar që përmes meje këtë kërkesë ta adresojnë edhe në Kuvend, duke e konsideruar Kuvendin Komunal si organin më të lartë dhe më përgjegjës për shqetësimet e tyre.

Kërkesa e tyre është, rikthimi i rrugëve “Qamil Ilazi” dhe “Sali Bajra” në rrugë dy dykahore dhe heqja e parkingjeve përgjatë trotuarit. Një vendim i tillë i pamenduar mirë sjell shumë probleme, së pari është ndesh me ligjin e trafikut rrugor, më pas pengon tej mase qarkullimin e bizneseve, krijon vështirësi të mëdha për qarkullimin e lirë të banorëve të këtyre lagjeve dhe shumë probleme të tjera që banorët edhe vetë i kanë cekur në këtë ankesë që do të ju dorëzoj një kopje.

Pyetja tjetër, a janë sqaruar dy kërkesat e Ministrisë së Mjedisit, Planifikimit Hapësinor dhe Infrastrukturës, për rishqyrtimin e vendimeve të kundërligjshme, vendimi 01Nr. 104/02-9142/23 i datës 28.04.2023 për shpallje me interes të përgjithshëm publik dhe vendimi 01Nr. 104/02-11896/23 të datës 30.05.2023, për caktimin e lokacionit për nevoja të HANDIKOS.

Kryesuesi i Kuvendit: Të lutem orientohuni te pyetjet dhe kërkesat. Unë përgjigjem në pyetjet që më drejtohen mu andaj publikisht kam kërkuar dhe kërkojmë nga të gjithë drejtorët-ekzekutivi dhe kryetari që të përgjigjen në kërkesat e anëtarëve kuvendit.

znj. Ardita Rrahmani: Kam dy shqetësime të cilat do ti adresoj dhe nuk po besoj që duhet të kaloj muaji për të marrë një përgjigje.

Meqenëse drejtorët janë të pranishëm këtu është një problem serioz me të cilin po ballafaqohemi çdo ditë, fillimisht po vazhdoj me problematikën e mushkonjave që në këtë vit ka qenë shqetësim për çdo individ dhe familje në gjithë komunën Kaçanikut. Në bazë të kontakteve me komunat e tjera jemi ndër komunat e vetme në Republikën e Kosovës që nuk e kemi bërë dezinfektimin e komunës gjatë sezonës së verës. Shqetësimet e tilla i kam adresuar edhe muaj më parë por deri më tani asnjë përgjigjeje nuk e kemi marrë prandaj bëj apel sepse ende ballafaqohemi me këtë shqetësim dhe kërkojmë të bëni dezinfektimin e komunës sepse vetëm 210 km² i kemi.

Shqetësimi i dytë ka të bëjë me shndërrimin e rrugës njëkahore në qytet dhe shndërrimin e gjysmës së rrugës në parking, a jeni të vetëdijshëm se çfarë kaosi po bëhet në qytet sidomos në orët e vona të mbrëmjes ku qarkullimi i veturave është tejet i madh si dhe fluksi i qytetarëve dhe mërgimtarëve është në pikun e saj gjatë muajve korrik dhe gusht. Ngushtica e asaj rruge paraqet vështirësi edhe në qarkullimin e veturave të ambulancës edhe në raste emergjente dhe sa për rikujtim pjesa me e dendur me qytetarë dhe banorë është pikërisht në rrugën që nis në “Qamil Ilazi”.

Naim Beqa: Duke parë shqetësimin për veturat pasi që janë bërë rrugët njëkahore, kërkojë nga drejtori i shërbimeve publike që ta rivlerëson situatën që ka krijuar kjo gjendje dhe po ashtu ta vlerësojë nëse këtu kjo situatë sjell pozitivitet a po negativitet. Në anën e majte të kësaj rruge Qamil Ilazi dhe Sali Bajra janë bërë vend parkingjet të cilat sipas rregullores dhe procedurave të policisë së Kosovës ato janë ilegale për arsye se ato janë të vendosura përballë shtëpive apo dyerve të shtëpive të qytetarëve që banojnë aty.

Çështje tjetër serioze janë edhe mbi kanalizimet, ku qytetarëve ju ka pamundësuar qarkullimi i lire prej daljes së shtëpive të tyre. Kërkoj nga organet kompetente që ta rishqyrtojnë edhe njëherë vendimin që kanë marrë dhe pyetja ime është, kjo problematikë a është dashtë me dal në kuvend për diskutim, duke marrë parasysh edhe faktin që edhe ne të gjithë jemi anëtar të kuvendit komunal nga partitë e ndryshme!

2. Pse ende dritat që një vit nuk janë rregulluar në rrugën “Sali Bajra” dhe kanalizimi aty që ka qenë afër çerdhes që është tu bërë sheshi nuk është mbuluar?

3. Gjatë rrugës tek ura e Rakocit, çdo herë që bie shi, uji bien në anën e djathtë të urës dhe ju hyn qytetarëve nëpër shpija në rrugën “Sali Bajra”. A duhet të rregullohet ana e majtë e kësaj pjese, pasi që asfalti është në anën e djathtë pra në anën e kundërt të përroit, a do të ndërmerret ndonjë masë sa ma shpejt nga komuna me qëllim që në kohërat e shirave të mos pësojnë qytetarët nga dëmtimi i shtëpive të tyre nga ujërat.

z. Agim Mani : Është bërë një kërkesë nga fshati Semaj lidhur me çështjen e ndriçimit publik, pasi që dy vite ata ballafaqohen me problemin e rrjetit elektrik me defekte të shpeshta.

Kam qenë në vendin e ngjarjes dhe kam vërejtur që në katër shtyllat elektrike ka defekte ku dritat dhezen dhe ndalen pandërprerë, me ç’rast në kohën e mbrëmjes banorët e fshatit e kanë të pamundur të qëndrojnë në oborr. Duke marrë parasysh shkakun që është një pengesë shumë e madhe, banorët e fshatit Semaj që dy vite kanë bërë kërkesë për zgjidhjen e këtij problemi mirëpo deri me tani nuk është ndërmarrë asnjë veprim. Prandaj kërkoj nga drejtori i shërbimeve publike të dal në vendin e ngjarjes ta shikon, sepse me të vërtetë është problem shumë serioze, duke marrë parasysh edhe faktin që banorët për shkak të pengesës të madhe kanë tentuar me i thyë dritat.

znj. Kadrije-Lika-Troni: Në seancën e fundit kam bërë një pyetje për drejtorin e arsimit, aty u pata ndërlidh me atë që një ditë para festës në çerdhen “Agimi”, pasi pranohen fëmijët d.m.th. ju shkon njoftimi se duhet të pushojnë prej orës 12:00 pra e kanë të lirë, ajo ka shkaktuar një kaos tek prindërit të cilët kanë qenë të punësuar jashtë qytetit të Kaçanikut, se si me organizua atë ditë për me i marrë fëmijët. Përgjigjen që kam marrë nga drejtori është një mënyrë e shpërblimit për punën që bëjnë, për punët që i bëjmë ne të gjithë paguhemi mirëpo mënyra e shpërblimit nuk mund të jetë kur me një anë shpërblehen punëtorët dhe tjetrën anë ndëshkohen prindërit dhe fëmijët.

z. Agim Çaka: Edhe pyetja ime ndërlidhet me shqetësimin e disa prej kolegeve lidhur me rrugën njëkahore dhe parkingun i cili është paraparë në atë rrugë, jo vetëm pse e përmendën këtu koleget por edhe tek diskutimi me qytetarët dhe me bizneset e kam vërejtur që ky vendim ka qenë mjaft problematik. Mua më intereson kush është “ai” që mori këtë vendim d.m.th. nga lindi kjo ide dhe kush e ka marrë këtë iniciativë?

Pyetja tjetër ka të bëjë me shkallët tek guri i shpumë, a ka ndonjë projekt për këtë?

z. Betim Shala: Unë i kam dy kërkesa një për kryetarin e komunës dhe një për drejtorin e urbanizimit. Sa i përket kryetarit të komunës, a mund ta formoj një komisioni i cili merret me këta që janë duke i kryer punët në hekurudha sa i përket rrugës “Skënderbeu” një pjesë e trotuarit njërën anë është zgjeruar dhe njërën anë me lan parking .

Kërkesa tjetër për drejtorin e urbanizmit, a keni mundësi ta bëni një projekt për rehabilitimin e rrugës në mëhallën Rakoc në hyrje, sepse aty është shumë ngushtë dhe një pjesë e murit duhet me u heq që me u zgjerua rruga.

z. Bashkim Luma: Në kuadër të drejtorisë shërbimeve publike në fshatin Gllaboçicë, vazhdon të mbetet shqetësim i madh problematika e rrjetit të ndriçimit publik edhe pas disa muajsh do të thotë përkundër faktit që rrugët nuk janë të mbuluara me prioritet me ndriçim publik edhe ato rrugë cilët janë përfunduar me ndriçim publike edhe aty ka pengesa të shumta si shkak i mos mirëmbajtjes së atyre dritave. Një ashtu rruga ndër komunale që lidh komunën Kaçanikut me atë të Hanit të Elezit edhe pas disa viteve si projekt i përfunduar nuk ka pasur mirëmbajtje dhe si e tillë shkakton probleme të ndryshme si p.sh. në komunikacion vjen deri tek aksidenti i shumë veturave.

Nga drejtoria e arsimit meqenëse si pyetje e pata parashtruar për faktin që ka mungesë të kuadrit të arsimit në fshat. Në shkollën fillore “Gafurr Luma” dhe në shkollën “Dituria” në fshatin Strazhë, është mjaft shqetësuese mungesa e mësimdhënësve të lëndës së fizikes dhe kimisë dhe pasi që vazhdon kjo mungesë e tillë, kërkojë nga kjo drejtori që të hap konkurse për pranimin e mësimdhënësve të caktuar sepse në raste të ndryshme është një diskriminim ndaj nxënësve meqenëse në test të cilët po mbahen mbas mbarimit të klasës së nëntë faktikisht njëra prej lëndëve e cila është shumë prioritet, është ajo e kimisë dhe fizikes, nxënësit e shkollave kanë mungesë të diturisë bazike për këta lëndë.

Kryesuesi i Kuvendit: Pyetje dhe Kërkesa tjera nuk ka, atëherë kalojmë në pikën e dytë:

2. Raporti Gjashtëmujor financiar për periudhën Janar – Qershor 2023;

Materialin e keni marrë, para se me hap diskutimin , fjalën e ka drejtori i DBF, Bahri Selimi:

z. Bahri Selimi: Në kuadër të llogaridhënies edhe pse e kam përgatitur raportin gjashtë mujor Janar- Qershor 2023, jemi munduar në pika shkurta ta tregojmë ecurinë financiare të komunës lidhur me inkasimin e të hyrave dhe shpenzimeve buxhetore. Në fillim të raportit e keni vërejtur sa është buxheti miratuar dhe sa është buxheti aktual. Buxheti aktual është rritur për pjesën apo masën monetare të të hyrave të bartura nga viti 2022 në vitin 2023, ndërsa ende pa u bartur është pjesa e të hyrave të vitit 2021. Në raportin tjetër Janar –Shtator do ta keni edhe pjesën e të hyrave nga viti 2021 në vitin 2023, pasi që tani jeni në dijeni që Ministria e Financave tani e ka humbur luftën karshi komunave sepse këto të hyra ligjërisht i kanë takuar me kohë komunave, mirëpo i ka stopua deri tani kjo ministri.

Te raporti i të hyrave direkte mund të vëreni që është bërë një inkasim i mirë apo përfundim i mirë i të hyrave vetanake, te shumica e të hyrave përqindja e realizimit është 60.66%, vetëm i të hyrave direkte kryesisht lejet e ndërtimit kanë një performancë më të lartë dhe tatimi në pronë, shumë pak prej të hyrave apo lloje të të hyrave kemi ngecje në realizim .

Tek shpenzimet kemi një ngritje të përfomancës financiare, në të gjitha kategoritë ka rritje në krahasim me periudhën e njëjtë të vitit të kaluar d.m.th. kemi 33% realizim më shumë apo 36,23% e buxhetit është shpenzuar deri më tani.

Buxheti sipas kategorive ekonomike, për pagat dhe mëditjet janë shpenzuar 53%, për kategorinë e mallrave dhe shërbimeve 25%, shpenzimet komunale 21%, subvencionet dhe transferet 28% dhe shpenzimet kapitale 15%.

z. Agim Mani: Ky raport financiar për periudhën janar-qershor të vitit 2023, është një informatë tregues i cili pasqyron punën e ekzekutivit komunal gjatë kësaj periudhe, konkretisht

na mundëson që ne ta shohim planifikimin e buxhetit, realizimin dhe shpenzimet komunale të ndara në anën buxhetore duke filluar nga zyra e kryetarit dhe të gjitha drejtoritë.

Buxheti i miratuar në vitin 2023 ka qenë 9.674.689 euro dhe me vonë pas bartjeve të te hyrave vetanke të vitit 2022 ka arritur vlerë prej 11,178,263.91 euro, d.m.th. siç e dimë nga granti qeveritar 91.9% dhe nga të hyrat vetanke janë 8.08%, d.m.th. te hyrat vetanke që është pjesë e komunës dhe është për tu përshëndetur ndërgjegjja e qytetareve që kanë kryer obligimin e tyre. Siç e potencoj dhe drejtori tatimin në pronë, planifikimi i ekzekutivit ka qenë 250.000.00 euro ndërsa qytetarët e kanë paguar tatimin në pronë 218.000.00 euro apo 87%, kjo d.m.th. është shumë e mirë që qytetarët e kanë kuptuar që e kanë obligim megjithëse ma herët ka pas disa mjegullina ndaj komunës dhe ministrisë mirëpo realisht gjendja faktike nuk qëndron ashtu sepse qytetari e kupton që një obligim patjetër duhet me krye që i takon ndaj komunës. Siç e dimë në kohën e fundit ministria ka marr vendim që tatimi në pronë të bëhet nga 100 euro për të gjithë qytetarët apo tatimpaguesve dhe besojë që në vitin e ardhshëm do të ju kompensohet kjo shumë e qytetarëve që kanë paguar këtë vit.

Te të hyrat vetanake përveç tatimit në pronë që kanë arritur 87% të inaksohen dhe te taksat për lejet e mjedisit edhe këta e ceki edhe drejtori, këtu unë mendoj që fillimisht ka qenë një keq planifikim i ekzekutivit sepse këtu keni planifikuar të mblidhen 3,000.00 euro ndërsa janë mbledhur 10,000.00 euro d.m.th. kjo është keq planifikim, te shfrytëzimi i pronës publike keni planifikuar ti mblidhni 15,000.00 euro dhe i keni mbledh 3,600.00 euro d.m.th. vetëm 24% nga shfrytëzimi i pronave publike që i keni dhanë, te parkingjet publike i keni planifikuar ti tuboni 7,000.00 euro kurse në këtë raport nuk e keni inkasua asnjë d.m.th. zero, nuk e di se a është e vërtetë a qëndron ky realitet apo nuk jeni harmonizuar me drejtorin e shërbimeve publike sepse në raportin tre mujor te parkingjet thuhet se te parkingjet janë inkasuar 550.00 euro ndërsa në raportin gjashtë mujor thuhet se është 0 (zero), te administrata e përgjithshme gjegjësisht te cërkatat e lindjes i keni planifikuar 12,000.00 euro ndërsa keni inkasuar 732.00 euro ose 6,10% , kjo nuk i përket realitetit ose keni bërë gabim brenda grumbullimit të kodeve sepse këtë gabim e keni përsërit nga viti i kaluar edhe auditori e ka dhënë një vërejtje për këtë por ju përsëri e keni vendos gabimin e njëjtë. Në total të te hyrave vetanake 862,578.00 euro janë inkasuar 524 kanë arritur shumën 60%, mirëpo ky raport është i mangët nga të hyrat vetanake dhe kjo është si pyetje drejtor, pse nuk i keni sqaruar sa mjete janë inkasuar nga gjobat e trafikut dhe gjobat e gjykatës, nuk është në këtë raport te të hyrat indirekte që janë.

Lidhur me shpenzimet e buxhetit , përveç pagave dhe mëditjeve është për keqardhje me than te shpenzimet kapitale të planifikuara prej 3 milion 3203, keni shpenzuar vetëm 491,000.00 euro d.m.th. 14%, kjo situatë e prek më së shumti qytetarin, sepse këtu qytetari ka nevojë shtrimin e rrugëve për investime kapitale më shumë dhe këtu i keni stagnuar dhe nuk nëse shkohet me këtë trend nuk keni me mund me i realizuar as 50%, do të ju ndodh sikur në vitin e kaluar dhe do të ju shkojnë paret për suficit.

Te shpenzimet e mallrave dhe shërbimeve do te fokusohem tek disa shifra më të larta që kanë qenë, te mirëmbajtja e rrugëve lokale vetëm për gjashtë muaj keni shpenzuar 148,666.00 euro kur e dimë që viti aktual apo viti i kaluar nuk ka pasur të reshura atmosferike, nuk ka pasur borë dhe ju i keni shfrytëzuar 148,000.00 euro. Ne të gjithë e dimë se si është duke u bërë mirëmbajtja e rrugëve, ku do që shkoni nëpër rrugë kanë dalë gjethet për rreth rrugëve dhe nuk pastrohen, sajimi i dëmeve nëpër rrugë nuk mund me qenë aq i kushtueshëm sa që me shpenzua prej këto 148,000.00 euro, shtrohet një sipërfaqe e madhe e rrugëve te investimet kapitale siç e ceka më herët, prapë po fokusona te rregullimi i asfaltimit në pjesën urbane në Kaçanik, ku i keni planifikuar 140,000.00 euro ndërsa për gjashtë muaj ditë i keni shpenzuar 7,498.00 euro, ndërsa për rregullimin dhe asfaltimin në pjesën rurale në Kaçanik, i keni planifikuar me i realizua 190,000.00 euro ndërsa i keni shpenzuar vetëm 22,000.00 euro dhe te ndërtimi i objektit të banimit social janë planifikuar 280,000.00 dhe janë shpenzuar vetëm 85,000.00 euro që d.m.th. e gjithë kjo paraqet një keq planifikim të buxhetit.

Rrustem Zenuni – Ne e kemi shikuar raportin financiar gjashtë mujor për periudhën janar-qershor të vitit 2023, përveç që qytetarët janë përgjigj pozitiv, ky është një indikator që tregon se kryerja e obligimit të qytetarëve ndaj tatimit në pronë dhe taksave tjera shpreh edhe besimin

e qytetareve që kanë ndaj institucioneve komunale dhe kjo është një punë për tu lavdëruar, po ashtu rezultat pozitiv ka pas edhe inkasimi i të hyrave nga lejet e ndërtimit.

Agim Caka- Vërehet që te pagat dhe mëditjet niveli i shpenzimeve është 53.59%, kjo është pasqyra ma reale se si duhet shpenzohet buxheti, mirëpo problemi është te mjetet e kategorive të tjera ekonomike se si duhet të shfrytëzohen siç janë kategoria e mallrave dhe shërbimeve, shpenzimet komunale, subvencionet dhe transferet dhe sidomos problemi kryesor qëndron te kategoria e shpenzimeve kapitale 17.14% . Niveli i ulët i shpenzimeve kapitale tregon që kemi shpenzuar një shumë të vogël të mjeteve monetare në gjashtë mujorin këtij viti, nga këtu rrjedh që në gjashtë mujorin e dytë të këtij viti ne detyrohemi ti shpenzojmë të gjitha mjetet e mbetura nga kjo kategori ekonomike, ku për një periudhë kaq të shkurtër nuk mund të shpenzohen në mënyrë adekuate sepse për një periudhë kaq të shkurt kohore nuk mund të bëhen planifikime të mirëfillta të projekteve dhe gjithsesi kanë me reflektua te qytetarët si projekte të dështuara.

Selajdin Troni – Dua të ndërlidhem te pjesa e raportit financiar për parkingjet, Agim e kam pyetur drejtorin d.m.th. kur janë zero inkasimet, d.m.th. parkingjet kanë qenë me kompensim te pjesa e mirëmbajtjes së taksave.

Agim Mani : Shiqo Selajdin, të planifikuara kanë qenë 17 milion inkasime d.m.th. inkasimi është 0 (zero) nëse shikohet raporti tre mujor janë inkasuar 550.000.00 euro, andaj pyetja ime është se ku kanë mbetur 550.000.00 euro.

znj. Kadrije Lika Troni: Lidhur me raportin financiar të inkasimit të te hyrave vetanake edhe herën e kaluar në mbledhjen e KPF-së e bëra pyetje dhe prapë po e përsërisë shembull te drejtoria e arsimit dhe drejtoria e kulturës pse nuk kemi një raport të detajuar, me qëllim që të shihet dhe të analizohet procesi i punës dhe hyrjes së mjeteve nga palestra sportive.

Sistemi i komunës a gjeneron raport te të hyrave të llojeve ne këtë drejtori dhe pse nuk janë paraqitur në tabelë të te hyrave vetanake më në detaje sikurse kategoritë tjera të drejtorive tjera.

z.Bahri Selimi: Buxheti fillestar aktual ka arritur 11,178,263.91 euro, mirëpo buxheti do të rritet ende pasi qe ministria ne fillim nuk na ka lejuar me i bartë të gjitha të hyrat por 320,000.00 euro mundemi me i bartë në vite.

Te tatimi në pronë kemi pasur debate të ndryshme rreth tatimeve mirëpo qytetarët kanë vendos që te paguajnë tatimin në pronë dhe tani ministria ka marr vendimin për 100 euro falje dhe në vitin e ardhshëm do ti rimbursohet secilit qytetarë vlere prej 100 euro.

Shpenzimet kapitale janë për të gjithë më shqetësuese dhe vetëm 15% janë realizuar, por në krahasim me periudhën e njëjtë të vitit të kaluar ku atëherë kemi shpenzuar vetëm 67,000.00 euro ndërsa në këtë vit kemi realizuar 491,000.00 euro, që d.m.th për 424,000.00 euro kemi shpenzuar më shumë mjete në këtë vit, nuk po themi qe kjo situatë është e mirë por krahasuar me periudhën e kaluar mund të themi që kemi avancuar.

Te mallrat dhe shërbimet 142,000.00 euro mirëmbajtja e rrugëve, rrugët lokale ku 20,000.00 euro kemi me pak se viti i kaluar. Kemi edhe të hyra indirekte mirëpo nuk janë të paraqitura në raport për shkak se auditori i jashtëm ka rekomanduar këtë pasi që planifikimi dhe realizimi nuk është rezultat i komunës ndërsa të drejtën me i shpenzua e kemi si komunë.

Te kultura do të mundohemi me pas të hyra të veçanta, megjithëse nuk është qe ka pas kurse te arsimit janë participimi veç një lloj i te hyrave.

z.Agim Mani: Te të hyrat indirekte drejtor, konkretisht tek inkasimi nga gjobat d.m.th. ju i keni llogarinë e juaja, mjetet i keni por unë po kërkojë ti bëni transparente d.m.th. me i deklarua edhe me shkrim se sa është realizimi nga kjo kategori.

z. Agim Çaka: Drejtor nuk e kuptova këtë punën që disa komuna që janë duke punuar, gjë që shihet në praktik d.m.th. punë që e shohin edhe vetë qytetarët se janë duke punuar ata kanë problem me ligjin, apo ne që nuk jemi duke punuar d.m.th. qe kemi shpenzuar mjete jemi tu

mundu me qenë brenda ligjit, sipas jush ligji po na thotë neve që më ngadalë me punua, se mirë keni shkua deri më tani, ju lutem merreni shembull rastin e komunës së Ferizaj-it sa ndërtimet i ka zhvillu, sa ndërhyrjet i ka bërë mbi hekurudhë dhe nën hekurudhë, e sa banesa 7,8 katesh.

Kryesuesi i Kuvendit: Në ata çka u përgjigj drejtori ne po e kuptojmë që është shqetësim niveli i ulët i shpenzimeve në investimet kapitale. Drejtori nuk tha që kanë punuar kundërligjshëm sepse dyshova që e keqkuptove drejtorin, por ai tha kanë pasur borxhe paraprake dhe një prej komunave që ka pas borxhe më së paku ka qenë komuna e Kaçanikut nga vitet fiskale të kaluara. Komunit tjera që kanë qenë në borxhe, disa me përmbarues e disa me obligime që i kanë paguar, ju kanë marrë prej buxhetit dhe aty i figuron shpenzim por komuna jone nuk ka pas borxhe.

A është nivel i ulët i shpenzimeve kapitale është i ulët, por përderisa jemi në 6 (gjashtë) mujin e parë të vitit, një pjesë e punëve janë kryer mirëpo përderisa sa është bërë raporti nuk janë alokuar mjetet, dhe nuk mundur të shpenzohen këto mjetet prandaj nuk kanë mundur të hyjnë ne raport dhe një pjesë e tyre janë përfundim e sipër dhe një pjesë e punëve janë të kontraktua dhe ne mund të flasim në fund vitit se ku jemi me shpenzimet e këtij viti, por pajtohem me ata që është dashtë me shkua pak më shpejt në këtë drejtim, por si do që të jetë mund të flasim edhe fund të vitit.

Ne asnjëherë nuk kemi hy ne mesin e komunave që ka pas suficitin në fund të vitit sikur komunit e tjera, që po doni të bëni krahasime me komunit e tjera që kanë shkua me 40 milion suficit, prandaj mos të bëjmë krahasime të flasim për vete ti trajtojmë problemet tona, ku jemi ne, të mundohemi me dhanë më të mirën e mundshme për qytetarët edhe për veten tonë, sepse nëse bëjmë krahasime ne gabojmë se nuk e dimë gjendjen si e kanë, kemi material me pa shohim por nuk e dimë qysh është gjendja, a është bërë me borxh apo me çka është bërë nuk e dimë kështu që ju lus të fokusohemi në materialet tona konkretisht në dokumentet tona që i kemi përpara dhe gjendjen faktike tonën.

z. Naim Beça: Shqetësimet e deputeteve, duhet të bëhen me shkrim sepse është pamundur të mbahen në kujtesë një numër kaq i madh i shifrave të ndryshme.

znj. Ardita Rrahmani : A janë shpenzimet kapitale për kritikë? PO janë!

Nuk desha të deklaroj mirëpo me nxiti vet fakti i krahasimeve ndërmjet komunave kur nga drejtori u potencua që mos u merrni me komunit e mëdha por me komunit përafërsisht sa ne, ose me buxhet sa ne! Drejtor hiq ma larg se komuna Hani i Elezit, të cilën pak kilometra e ndajnë nga ne, besoj po e shohim sa po punojmë, a është i duhur ky krahasim le të mbetet në vlerësimin e juaj?

Kryesuesi i Kuvendit: Diskutime të tjera nuk ka, Raporti financiar gjashtëmuor për periudhën Janar – Qershor 2023 kalon si informatë, kështu që konstatohet se Kuvendi i Komunës,

NJOFTOHET

Me Raportin gjashtëmuor financiar, Janar-Qershor 2023/ Lënda: 01Nr.400/01-17269/23.

3. Propozim Vendim për vërtetimin e interesit të përgjithshëm publik për këmbim të pronës komunale me pronën private, ZK Runjevë;

Kryesuesi i Kuvendit: Materialin e keni marrë, para se me hap diskutimin, fjalën e ka drejtori i DUKMM, Qamil Stagova:

z. Qamil Stagova : Në bazë këtij Propozim Vendimi një sipërfaqe e tokës prej 161.60 m², i jepet rrugës kurse rrugës i merret me një sipërfaqe 161.32 m², rruga drejtohet dhe i përmirësohet gjendja atyre qytetarëve që i kanë pronat aty po ashtu edhe dy qytetar tjerë të cilët kanë pronë por që nuk i prek direkt në pronat e tyre janë pajtuar me këtë ndryshim.

z.Agim Mani: Drejtor ju jeni marr me këtë propozim vendim edhe fizikisht keni qenë sigurisht edhe në vendin e ngjarjes. Tani ne po i shohim dhe jemi tu marr vetëm me letra d.m.th. me procedura, ky propozim vendim që na është sjell këtu në kuvend sot fillimisht ka filluar nga kërkesa e një qytetari, ku kërkesa e qytetareve ka qenë këmbimi i pronës ose zgjerimi i rrugës po flas në bazë kërkesës qytetareve, qytetari ka kërkuar në zyrën kadastrale në Kaçanik për lëshim të informacioneve, certifikatën e pronës, listën e koordinatave, kopjen e planit të parcelës 00471-0, ZK Runjevë. Sa i përket çështjes së qytetarëve, ata i kanë përfunduar procedurat e tyre me inxhinier me matje me të gjitha mirëpo ju si ekzekutiv nuk e keni kryer punën e juaj, nëse me të vërtetë doni me i krye punë qytetarit duhet të ia kompletoni dokumentacionet, po e marr shembull kërkesë e ka paraqitur parcelën 00471-0, parcela 00471-0,1, nuk figuron as në skicë po ashtu nuk posedon as fletë poseduese që është e komunës dhe nuk ka kurrfarë dëshmie që kjo parcelë është pronë publike qysh me marr na vendim për këtë parcelë kur nuk kemi njoftim për dokumentacion me në detaje, për atë nëse me vërtetë doni me përfundua këtë punë ka qenë dashtë me i kompletua dokumentacionet jo me lan ministrin me kthye prapë dhe mu arsyetua te qytetari që ne e kemi krye punën tonë por ministria e ka kthye në këtë rast po e nënkupton që me ua lënë fajin ministrisë.

z.Qamil Stagova : Mirëpo kësi lloje këmbimeve si këto vendime për këmbim nuk kemi pas problem asnjëherë me ministri.

z.Agim Mani : I kemi dy vendime që kanë me na ardhur me i shfuqizua, d.m.th. janë të njëjta janë gati mirëpo përveç fletës poseduese as në skicë nuk ekziston kjo parcelë 00471-0.

z.Rrustem Zenuni : Na qysh në fillim jemi deklaruar që këto lloje të propozimeve do ti mbështesim vazhdimisht.

Kryesuesi i Kuvendit: Diskutime tjera nuk ka ,atëherë e shtroj në votim për aprovim këtë pikë dhe i njëjti u aprovua me 12 për, abstenim 13 . Prezentë 25.Në saj të kësaj del konstatimi se Kuvendi i komunës mori këtë:

Vendim

Për vërtetimin e interesit të përgjithshëm publik për këmbim të pronës komunale me pronën private, ZK Runjevë / Lënda 06 Nr.350/01-17440/23.

4. Propozim Vendim për vërtetimin e interesit të përgjithshëm publik për këmbim të pronës komunale me pronën private ,ZK Begracë;

Kryesuesi i Kuvendit: Fjalën ia kalojmë fillimisht drejtorit për sqarime, pastaj e hapim diskutimin:

z. Qamil Stagova : Parcela private ZK Begracë kalon pronësi të komunës kurse pjesa e ngasës kadastrale 2420-3 e cila është pjesë e rrugëve, mirëpo është një pjesë e cila veç nuk shkon vazhdimësi me rrugën me një sipërfaqe 69 m², kalon në pronë private.

z. Selajdin Troni : Desha ta pyes drejtorin, a ka ndonjë problem të rënd komuna që është duke i bërë këto prona, a ka ndonjë benefit apo veç për qytetarët, sepse nëse paraqitet ndonjë problem për ardhmen atëherë është adekuate ti rishikojmë mirë këto.

z.Qamil Stagova : Rasti i parë ajo rrugë drejtohet dhe është në të mirën e qytetarëve por edhe i komunës por këtu është me prioritet më shumë interesi i qytetarëve .

Kryesuesi i Kuvendit: Diskutime tjera nuk ka ,atëherë e shtroj në votim për aprovim këtë pikë dhe i njëjti u aprovua me 13 për, abstenim 11, Raif Kasa ishte prezentë por nuk mori pjesë në votim . Prezentë 25.Në saj të kësaj del konstatimi se Kuvendi i komunës mori këtë:

Vendim

Për për vërtetimin e interesit të përgjithshëm publik për këmbim të pronës komunale me pronën private ,ZK Begracë / Lënda 06 Nr.350/01-17441/23.

5. Propozim Vendim për ndryshim plotësimin e Vendimit 01Nr.60/01-33331/22 ,të datës 29.12.2022 - Për ndryshim plotësimin e vendimit të kuvendit të komunës 01NR.104/02-19963 ,të datës 02.09.2022 - Për formimin e komisionit të ankesave për procedurën e dhënies në shfrytëzim të pronës së paluajtshme të komunës;

Kryesuesi i Kuvendit: E keni marrë materialin, është një ndryshim plotësim për të cilën kanë kërkuar me plotësua, është dorëheqja e anëtares nga komisioni Arbnora Kukës nëse ka diçka rreth kësaj urdhëroni dhe me duket se është me njëherë plotësimi me një anëtarë tjetër nga ekzekutivi është Kaltrina Çaka.

Kryesuesi i Kuvendit: Diskutime tjera nuk ka ,atëherë e shtroj në votim për aprovim këtë pikë dhe i njëjti u aprovua me 24 për, abstenim 1. Prezentë 25.Në saj të kësaj del konstatimi se Kuvendi i komunës mori këtë:

Vendim

Për ndryshim plotësimin e Vendimit 01Nr.60/01-33331/22 ,të datës 29.12.2022 - Për ndryshim plotësimin e vendimit të kuvendit të komunës 01NR.104/02-19963 ,të datës 02.09.2022 - Për formimin e komisionit të ankesave për procedurën e dhënies në shfrytëzim të pronës së paluajtshme të komunës /Lënda 01Nr. 60/01-17846/23

6. Propozim Vendim për ndryshim plotësimin e Vendimit paraprak 01Nr.104/02-13790/23,të datës 30.06.2023 Për dhënien e pronës së paluajtshme të komunës në shfrytëzim afatgjatë dhe afatshkurtër.

Kryesuesi i Kuvendit: Në kuadër të kësaj ju njoftova paraprakisht që Ministria e Administrimit të Pushtetit Lokal, në kuadër të kompetencave ligjore që ka dhe në kuadër që ne i kemi dërguar për shqyrtim të ligjshmërisë vendimet, kanë kërkuar që ai vendim të përshtatet apo të harmonizohet me ligjet në fuqi që janë dhe që kanë të bëjnë me dhënien e pronës komunale në shfrytëzim sepse në vendimin paraprak që kemi marrë në mbledhjen e kaluar kanë qenë të parapara dhënia e pronës në shfrytëzim afatgjatë dhe afatshkurtër dhe për këtë kontekst ministria ka kërkuar që ky vendim të përimtohet dhe të ndahen pronat që jepen me kohë afatgjatë dhe afatshkurtër, për arsye se janë dy procese të ndara. Në këtë rast zyrtarët kanë arritur që ta plotësojnë ndryshojnë vendimin të heqin pjesën e pronës që ka të bëjë me afatshkurtër dhe të lejnë në vendim paraprak vetëm pjesën e pronës që ka të bëjë dhënien në shfrytëzim afatgjatë të pronës.

z. Selajdin Troni: A ka drejt komisioni për pronat me shfrytëzim afatgjatë me vazhdua punën?

Kryesuesi i Kuvendit: E kemi komisioni pas kësaj pike njëherë, se ato kanë kërkuar plotësim ndryshimin.

Rrustem Zenuni : Për mu vërtet është befasues qysh i ka ra mend ministrisë me të njëjtin ligj dhe me të njëjtin format edhe vitin e kaluar dhe vitet paraprake .

Kryesuesi i Kuvendit: Ministria ka vepruar shumë drejt ë kohë rekord me afat .

z. Agim Çaka: Arsyen që abstenova është kjo ligji për dhënien e pronave tregon sakte që për çdo pronë duhet me përcaktua a është afatmesme apo afatgjatë dhe çdo pronë kur ndahet duhet me pas komision të veçantë.

znj. Ernesta Krasniqi: Veç desha me i tregu z. Rustem, që këtë ligj e kemi lexuar këtu dhe ju kemi njoftuar që vendimi paraprak është në kundërshtim me ligjin dhe kemi kërkuar që të mos e votoni sepse duhet me u nda për afatshkurtër dhe afatgjatë, por ju keni thënë se na kanë kaluar pronat, andaj kështu ju ndodh kur nuk e lexoni ligjin!

z. Agim Mani: Me të vërtetë ky propozim vendimi na ka ardhur me vonesë sot, unë nuk kam mundur as ta lexoj por vetëm ju dëgjova juve kryesues, megjithatë ne nuk duhet të bazohemi në fjalët e juaja. E përsëris që ne nuk kemi pas kohë me lexua dhe tani nëse ky propozim nuk analizohet por bazohemi vetëm në fjalë mund të gabojmë ashtu siç kemi gabuar në të kaluarën, prandaj unë kërkoj që kjo pikë të shtyhet për mbledhjen e ardhshme me qëllim që të kemi kohe me shumë për ta analizuar sepse nuk bën të votojmë diçka që nuk e dimë.

Kryesuesi i Kuvendit: Tek çështja e Agimit që e ngriti shkurte edhe koha. pajtohem me atë plotësisht edhe na e kemi pas shumë shkurt kohën për me punua si propozim vendim, zyrtaret sot e kanë punuar me arsyetim për arsye se ne jemi në muajin gusht dhe jemi në pushim dhe në fund të muajit shtatorit jemi në mbledhje, mund të pengohet një proces që ka me sjell përftime dhe për këtë arsye e kemi bërë kështu. Për me kuptua këtë propozim vendim nuk është e vështirë sepse ministria e ka thënë shumë qartë, i keni 3 -4 rreshta arsyetimin e ministrisë se çka ka kërkuar. Ministria ka vepruar shumë drejtë për mendimin tim, dikush mundet me pas mendim tjetër që nuk ka vepruar drejt por edhe nëse nuk vepron drejtë ne jemi të obliguar me zbatua vendimet e ministrisë që na i sjell sepse është ligj, kështu që nëse është ndonjëri që është mbi ligjin atëherë unë nuk e di, unë personalisht nuk jam. Ne duhet ta zbatojmë Vendimin e ministrisë gjithashtu duhet me harmonizua propozim vendimin tonë me udhëzimet që na ka dhënë ministria, andaj mendoj që kemi vepruar në atë formë për me kuptua nuk është vështirë Agim sepse janë 3-4 rreshta arsyetim edhe është propozim vendimi që është harmonizua me qeto 3-4 rreshta, kështu që kjo është ajo që ne jemi thirr këtu dhe është bërë për arsye se ne muajin gusht jemi në pushime ndërsa afati ligjor i rishqyrtimit të këtij vendimi skadon është 30 ditë. Ne nuk kemi mbledhje është 30 ditë, për mos me thirr një mbledhje të jashtëzakonshme juve me ju mundu edhe ne muajin gusht pastaj që ta rishqyrtojmë këtë vendim se jemi brenda afatit ligjor kemi menduar që në këtë mbledhje mund ta rishqyrtojmë sepse nuk është diçka që nuk kuptohet dhe nuk kalohet kjo ka qenë arsyeja.

z. Agim Mani : Këtë që e thash ma herët d.m.th. nuk jam tu thane sot, se sot për sot me të vërtetë është vonë por këtë e kemi thënë vazhdimësi qysh kur i keni sjell listat në kuvend na i keni kërkuar, ne jemi kanë të qartë sa i përket dhënies së pronave në shfrytëzim, qysh kur i keni sjell listat keni kërkuar të caktohet afati dhe përsëri i keni sjell në kuvend me gabime, me afate të përbashkëta. Ne kemi qenë kundër prapë d.m.th. ne kemi qenë parimor sa i përket bazës ligjore, të bazuar ne ligj për këtë që të kryhen procedurat paraprakisht dhe jo të vijnë në këtë formë sepse nëse nuk i lexojmë dhe nëse nuk i shqyrtojmë mirë na sjellin problemin tjetër, për këtë shkak kërkoj kohë, andaj mundesh edhe me thirr mbledhje të jashtëzakonshme qoftë edhe për një pikë dhe më mirë është me thirr mbledhje të jashtëzakonshme me u konsultua mirë për faktin që mos të marrim ndonjë vendim të ngutshëm dhe të biem ndesh me ligjin.

Kryesuesi i Kuvendit: A ka mundësi të sqaroni se ku po biem ndesh me ligjin këtu?

z. Agim Mani : Unë nuk e kam lexuar!

Kryesuesi i Kuvendit: Është e drejta e juaja a lexoni apo jo, por kur po potenconi që jemi ndesh me ligjin, kjo është vetëm kërkesë dhe mendimi i juaj, pra ne të gjithë jemi këtu dhe gjithsecili mund të jep mendimin për vete. Unë thash meqë është në plan të punës së kuvendit dhe anëtarët e kuvendit kanë mund të përgatiten për pushime sepse muaji gusht është muaji i pushimit prandaj me qëllim që të mos të na tejkaloj afati ligjor i shqyrtimit të këtij vendimi, e

kemi sjell sot me procedurë të shpejt. Ky vendim tek unë ka ardhur në ditën e premte dhe shumë vonë dhe besojë që edhe tek kryetari ka ardhur në këtë kohë. Kërkesa për rishqyrtim të vendimit ka afat 30 ditë, por ne jemi në pushim në muajin gusht dhe besojë që e kemi të qartë që kjo është arsyeja pse ka ardhur kaq shpejt.

z. Adnan Reka: Cila është urgjenca që duhet patjetër mos me lan për në mbledhjen tjetër, pse duhet kaq shpejt të merret ky vendim?

Kryesuesi i Kuvendit: Urgjenca e kësaj çështje është sepse muaji gusht është pushim, në muajin shtator është në fund mbledhja, në muajin tetor bëhet shqyrtimi i ligjshmërisë së vendimeve, është procedura e ankandit publik d.m.th. këtë vit kjo procedurë ngecet, tani a jemi ne për të krijuar kushte dhe mundësi për njerëz që janë të interesuar me investua apo jemi për me i shty ma shumë kjo është arsyeja!

z. Adnan Reka: Ne jemi për të krijuar kushte dhe mundësi përmes ligjit në kushte të rregullta dhe në baza ligjore, jo me u ngut e me ndërmarrë hapa të gabuar ashtu si kemi vepruar deri më tani, prandaj ne po themi mos u ngutni, ma mirë me ja krijua kushtet tamam si duhet, se sa pas disave me shkua në gjykata.

Kryesuesi i Kuvendit: Nëse ne nuk jemi në rregull, ata prapë i kthejnë te ne dhe mbetet për muajin shtator.

z. Adnan Reka: Dy vendimet e mbledhjes paraprake na nuk i shqyrtuam, ato shkojnë në gjykatë sepse i anuluan.

Kryesuesi i Kuvendit: Nuk kanë kërkuar të anulohen por kanë kërkuar informata shtesë përgjegjëseve për atë punë. Adnan ju jeni në njohuri që në atë vendim janë kërkuar informacione shtesë nga Drejtoria e Urbanizmit. Ne e kemi sjell vendimin këtu në kuvend dhe drejtori këtu në kuvend potencoi që ne i kemi dërguar ato informacione, mirëpo vendimi ka ardhur para se me i dërgua informacionet, prandaj tash po e presim përgjigjen e tyre.

z. Adnan Reka : Për këtë unë ju pyeta a janë dërguar informacionet shtesë dhe a keni pranuar një vendim qe gjithçka është në rregull?

z. Qamil Stagova: Jo ende nuk ka ardhur asnjë vendim për këtë!

Kryesuesi i Kuvendit: Diskutime tjera nuk ka ,atëherë e shtroj në votim për aprovim këtë pikë dhe i njëjti u aprovua me 13 për, kundër 5, abstenim 7. Prezentë 25.Në saj të kësaj del konstatimi se Kuvendi i komunës mori këtë:

Vendim

Për ndryshim plotësimin e Vendimit 01Nr.60/01-33331/22 ,të datës 29.12.2022 -Për ndryshim plotësimin e Vendimit të kuvendit të komunës 01NR.104/02-19963 ,të datës 02.09.2022- Për formimin e komisionit të ankesave për procedurën e dhënies në shfrytëzim të pronës së paluajtshme të komunës / Lënda 01Nr.104/02-18514/23.

7. Propozim Vendim për ndryshim plotësimin e Vendimit 01Nr.104/02-13788/23, të datës 30.06.2023 Për formimin e komisionit vlerësues për dhënien në shfrytëzim të pronës së paluajtshme të komunës;

Kemajl Murseli: Në kërkesën e ministrisë është cekur që për secilin vendim paraprak duhet jete komision i veçantë, specifikisht për pronat me shfrytëzim afatgjatë të formohet një komision i veçantë dhe për pronat me shfrytëzim afatshkurtër të formohet komision i veçantë. Në këtë rast me plotësim ndryshimin që e kemi bërë, mbetet komisioni që ka qenë ekzistues

nëse nuk ka ndonjë ndërhyrje nga subjektet që kanë propozuar anëtarë në komision, d.m.th. edhe ekzekutivi edhe shoqëria civile i ka lënë të njëjtit anëtarë, andaj nga subjektet e tjera kërkoj që nëse ka ndonjë ndërhyrje për me i ndryshua anëtarët e komisionit, nëse jo atëherë ky komision mbetet. Këtij komisioni i hiqet pika ku është cekur norma e pagesës për anëtarët e komisionit, po ashtu është kërkuar që të shikohet Ligji i Financave dhe të harmonizohet çështja e pagesave dhe po supozoj që kanë pasur qëllimin që nuk kem mundësi me i paga. Ky komision ka të bëjë vetëm me pronat në dhënien me shfrytëzim afatgjatë pa ato me afatshkurtër që kanë qenë në një vendim përbashkët.

z. Adnan Reka: A ka mundësi që këto dy propozim vendime edhe vendimin e shfuqizimit të na i dërgoni në formë elektronike.

Kryesuesi i Kuvendit: Vendimet i keni edhe në kopje fizike por do të ju përcjellim edhe përmes postës elektronike.

z. Betim Shala: Këtu po thotë le të harmonizohet kjo çështje e pagesës së komisioneve. Ne mund ta bëjmë plotësim ndryshimin e rregullores për taksat dhe tarifën, madje aty e shtijë pagesën e këtij komisioni apo secilit komision të cilin duhet me paga, nëse ky vendim nuk kalon me pagesë atëherë e shtim te rregullorja e tjetër dhe nuk mundën me refuzua sepse e ka Ministria Financave.

Kryesuesi i Kuvendit: Te rregullorja e taksave dhe tarifave nuk mundën me shti sepse ajo rregullore trajton krejt diçka tjetër, por ne mund ta bëjmë një rregullore të veçantë për pagesat e komisioneve por a na lejon apo nuk na lejon, por edhe si pike dhe si vendim nuk na kanë lejuar, këtu thotë se harmonizohet me rregulloren në fuqi, mirëpo drejtori thotë se me rregulloren në fuqi nuk lejohet pagesa.


Kryesuesi i Kuvendit: Diskutime tjera nuk ka, atëherë e shtroj në votim për aprovim këtë pikë dhe i njëjti u aprovua me 13 për, kundër 5, abstenim 7. Prezentë 25. Në saj të kësaj del konstatimi se Kuvendi i komunës mori këtë:

Vendim

Vendim për ndryshim plotësimin e Vendimit 01NR.104/02-13788/23 të datës 30.06.2023 për formimin e komisionit vlerësues për dhënien në shfrytëzim të pronës së paluajtshme të komunës / Lënda 01Nr.104/02-18517/23

Mbledhja i përfundoj punimet në ora 14:30. Deri në fund të mbledhjes ishin 25 anëtarë. Ndërkaq me leje të Kryesuesit të KK, dolën me herët: Hamide Luma, Arta Avdiu

Procesmbajtëse
Mavije Murseli



Kryesues i Kuvendit
Kemal Murseli



REGJISTËR I ANTARËVE TË KUVENDIT TË KOMUNËS
(të zgjedhur në votimet e datës 17 Tetorit 2021);

Nga Mbledhja e VII (shtatë) e Rregullt e Kuvendit të Komunës për vitin 2023, mbajtur me 31.07.2023 :

1. Kemal Murseli,
2. Brahim Imishti.....,
3. Hamide Luma,
4. Kadri Krivenjeva,
5. Fitore Vishi,.....,
6. Rrustem Zenuni,.....,
7. Edon Baftiu,
8. Selajdin Troni,
9. Fatmir Bunjaku,
10. Bashkim Krasniqi,
11. Florina Lika-Vishi,
12. Lejla Muhaxheri-Çaka.....,
13. Agim Mani,
14. Kadrije Lika-Troni,
15. Adnan Reka,
16. Naim Beça,
17. Raif Kasa,
18. Ernesta Krasniqi,.....,
19. Bashkim Luma,
20. Arta Avdiu,
21. Ardita Rrahmani,
22. Besnik Salihu,
23. Betim Shala,.....,
24. Arlinda Rakoci-Raka.....,
25. Rabije Sallahi.....,
26. Ekrem Livoreka.....,
27. Agim Çaka......



Drejtoria e Shërbimeve Publike dhe Emergjencave

Kaçanik, 25.09.2023

Për: Anëtarët e Kuvendit/ **z. Adnan Reka,**
znj. Ardita Rrahmani,
z. Naim Beqa,
z. Agim Mani,
z. Agim Çaka,
z. Bashkim Luma

Lënda: PËRGJIGJE

Të nderuar,

Më lejoni t'ju përgjigjem dhe të japim sqarime zyrtare lidhur me pyetjet/kërkesat tuaja, të parashtruara në mbledhjen e Kuvendit të Komunës, më datë, **31.07.2023**, të cilat ndërlidhen me detyrat dhe përgjegjësitë e Drejtorisë së Shërbimeve Publike dhe Emergjencave.

z. Adnan Reka:

Kërkesën që kam nga banorët dhe pronarët e bizneseve të vogla të lagjeve “Qamil Ilazi” dhe “Sali Bajra”.

Ndonëse, këtë kërkesë banorët e këtyre lagjeve e kanë adresuar si **ankesë** edhe tek Kryetari i Komunës dhe Drejtori i Shërbimeve Publike, ata kanë kërkuar që përmes meje këtë kërkesë ta adresojnë edhe në Kuvend, duke e konsideruar Kuvendin Komunal si organin më të lartë dhe më përgjegjës për shqetësimet e tyre.

Kërkesa e tyre është, rikthimi i rrugëve “Qamil Ilazi” dhe “Sali Bajra” në rrugë dy dykahore dhe heqja e parkingjeve përgjatë trotuarit. Një vendim i tillë i pamenduar mirë sjell shumë probleme, së pari është ndesh me ligjin e trafikut rrugor, më pas pengon tej mase qarkullimin e bizneseve, krijon vështirësi të mëdha për qarkullimin e lirë të banorëve të këtyre lagjeve dhe shumë probleme të tjera që banorët edhe vetë i kanë cekur në këtë ankesë që do të ju dorëzoj një kopje.

- *Referuar ankesës nr. prot. 01-104/02-18093 të datës 27.07.2023, të adresuar Zyrës së Kryetarit dhe Drejtorisë së Shërbimeve Publike dhe Emergjencave duke shprehur shqetësimet e banorëve dhe pronarëve të bizneseve rreth Vendimit për qarkullim të automjeteve në një kahje në rrugën “Qamil Ilazi”-Kaçanik ju kemi përgjigjur në afat ligjor dhe ju kemi sqaruar se:
Vendimin për qarkullim të automjeteve në një kahje në rrugën “Qamil Ilazi”-Kaçanik, segmentin rrugor nga Stacioni i Policisë deri te degëzimi i rrugës “Ismail Raka” afër Sheshit të Qytetit, është bazuar në parametrat ekzistuese të rrugës dhe planifikimeve të Drejtorisë së Shërbimeve Publike dhe Emergjencave me qëllim të lehtësimit të qarkullimit të pjesëmarrësve në trafik në zonën urbane të komunës së Kaçanikut, të orientimit më të mirë të ngasësve të automjeteve dhe mundësisë së krijimit të vendparkingjeve të reja përgjatë kësaj rruge.
Tashmë është duke u bërë menaxhimi i parkingjeve me pagesë që ka eliminuar fenomenin e paraqitur të shfrytëzimit pa limit kohor të vendparkingjeve.*

znj. Ardita Rrahmani:

Shqetësimi ka të bëjë me shndërrimin e rrugës njëkahore në qytet dhe shndërrimin e gjysmës së rrugës në parking, a jeni të vetëdijshëm se çfarë kaosi po bëhet në qytet sidomos në orët e vona të mbrëmjes ku qarkullimi i veturave është tejet i madh si dhe fluksi i qytetarëve dhe mërgimtarëve është në pikun e saj gjatë muajve korrik dhe gusht. Ngushtica e asaj rruge paraqet vështirësi edhe në qarkullimin e veturave të ambulancës edhe në raste emergjente dhe sa për rikujtim pjesa me e dendur me qytetarë dhe banorë është pikërisht në rrugën që nis në “Qamil Ilazi”.

- *Shiriti rrugor i paraparë për lëvizjen e automjeteve në një drejtim në rr.”Qamil Ilazi” është brenda parametrave standarde. Gjërësia e shiritit për automjete në një drejtim është 3m përgjatë tërë trasesë së rrugës. Tollovia në trafik ka mund të shkaktohet nga fluksi i qytetarëve dhe mërgimtarëve si pjesëmarrës në trafik që është në pikun e saj gjatë muajve korrik dhe gusht por jo nga nga ndryshimi i kahjes së lëvizjes në këtë rrugë. Tashmë është duke u bërë menaxhimi i parkingjeve me pagesë që ka eliminuar fenomenin e paraqitur të shfrytëzimit pa limit kohor të vendparkingjeve.*

z. Naim Beqa:

1. Duke parë shqetësimin për veturat pasi që janë bërë rrugët njëkahore , kërkojë nga drejtori i shërbimeve publike që ta rivlerëson situatën që ka krijuar kjo gjendje dhe po ashtu ta vlerësojë nëse këtu kjo situatë sjell pozitivitet a po negativitet. Në anën e majte të kësaj rruge Qamil Ilazi dhe Sali Bajra janë bërë vend parkingjet të cilat sipas rregullores dhe procedurave të policisë së Kosovës ato janë ilegale për arsye se ato janë të vendosura përballë shtëpive apo dyerve të shtëpive të qytetarëve që banojnë aty. Çështje tjetër serioze janë edhe mbi kanalizimet, ku qytetarëve ju ka pamundësuar qarkullimi i lire prej daljes së shtëpive të tyre.

- *Vendimin për qarkullim të automjeteve në një kahje në rrugën “Qamil Ilazi”-Kaçanik, segmentin rrugor nga Stacioni i Policisë deri te degëzimi i rrugës “Ismail Raka” afër Sheshit të Qytetit, është bazuar në parametrat ekzistuese të rrugës dhe planifikimeve të drejtorisë së Shërbimeve Publike dhe Emergjencave me qëllim të lehtësimit të qarkullimit të pjesëmarrësve në trafik në zonën urbane të komunës së Kaçanikut, të orientimit më të mirë të ngasësve të automjeteve dhe mundësisë së krijimit të vendparkingjeve të reja përgjatë kësaj rruge.
Janë krijuar 33 vendparkingje të reja brenda standardeve dhe në përputhje me gjendjen në teren. Asnjë vendparkim nuk është shenjuar përballë dyerve të shtëpive ku pengohet hyrja dhe dalja me vetura të tyre.*

2. Pse ende dritat që një vit nuk janë rregulluar në rrugën “Sali Bajra” dhe kanalizimi aty që ka qenë afër çerdhes që është tu bërë sheshi nuk është mbuluar?

- *Mungesa e kontratës aktive për mirëmbajtjen e ndriçimit publik ka reflektuar edhe në vonesë të intervenimit me kohë në defektet e paraqitura në rrjetet ekzistuese të ndriçimit publik. Duke u nisur nga ky fakt, DSHPE-ja ka inicuar një kërkesë për kontratë emergjente që është kontraktuar në vlerë 6,592.30€ dhe gjatë muajit gusht është intervenuar në lokacionet më me prioritet.*
- *Në lokacionin ku po ndërtohet Sheshi i Qytetit janë duke u zhvilluar punime dhe ndodh që gjatë punimeve të dëmtohen edhe pusetat ekzistuese të kanalizimeve fekale dhe atmosferike të cilat sanohen nga operatori ekonomik që ka të kontraktuar punimet.*

z. Agim Mani: Është bërë një kërkesë nga fshati Semaj lidhur me çështjen e ndriçimit publik, pasi që dy vite ata ballafaqohen me problemin e rrjetit elektrik me defekte të shpeshta.

Kam qenë në vendin e ngjarjes dhe kam vërejtur që në katër shtyllat elektrike ka defekte ku dritat dhezen dhe ndalen pandërprerë, me ç’rast në kohën e mbrëmjes banorët e fshatit e kanë të pamundur të qëndrojnë në oborr.

- *Mungesa e kontratës aktive për mirëmbajtjen e ndriçimit publik ka reflektuar edhe në vonesë të intervenimit me kohë në defektet e paraqitura në rrjetet ekzistuese të ndriçimit publik dhe gjithashtu edhe në fshatin Semajë. Duke u nisur nga ky fakt, DSHPE-ja ka inicuar nje kërkesë për kontratë emergjente që është kontraktuar në vlerë 6,592.30€ dhe gjatë muajit gusht është intervenuar në lokacionet më me prioritet. Sapo të lidhet kontrata e re për mirëmbajtjen e ndriçimit publik do të intervenohet në të gjitha lokalitetet ku janë evidentuar defekte në rrjetet ekzistuese të ndriçimit publik.*

z. Agim Çaka: Edhe pyetja ime ndërlidhet me shqetësimin e disa prej kolegeve lidhur me rrugën njëkahore dhe parkingun i cili është paraparë në atë rrugë, jo vetëm pse e përmendën këtu koleget por edhe tek diskutimi me qytetarët dhe me bizneset e kam vërejtur që ky vendim ka qenë mjaft problematik. Mua më intereson kush është “ai” që mori këtë vendim d.m.th. nga lindi kjo ide dhe kush e ka marrë këtë iniciativë?

- *Drejtoria e Shërbimeve Publike dhe Emergjencave, brenda kompetencave të saja, ka marrë Vendimin për qarkullim të automjeteve në një kahje në rrugën “Qamil Ilazi”-Kaçanik, segmentin rrugor nga Stacioni i Policisë deri te degëzimi i rrugës “Ismail Raka” afër Sheshit të Qytetit duke u bazuar në parametrat ekzistuese të rrugës dhe planifikimeve të drejtorisë me qëllim të lehtësimit të qarkullimit të pjesëmarrësve në trafik në zonën urbane të komunës së Kaçanikut, të orientimit më të mirë të ngasësve të automjeteve dhe mundësisë së krijimit të vendparkingjeve të reja përgjatë kësaj rruge.*


z. Bashkim Luma: Në kuadër të drejtorisë shërbimeve publike në fshatin Gllloboçicë, vazhdon të mbetet shqetësim i madh problematika e rrjetit të ndriçimit publik edhe pas disa muajsh do të thotë përkundër faktit që rrugët nuk janë të mbuluara me prioritet me ndriçim publik edhe ato rrugë cilët janë përfunduar me ndriçim publike edhe aty ka pengesa të shumta si shkak i mos mirëmbajtjes së atyre dritave.

- *Mungesa e kontratës aktive për mirëmbajtjen e ndriçimit publik ka reflektuar edhe në vonesë të intervenimit me kohë në defektet e paraqitura në rrjetet ekzistuese të ndriçimit publik dhe gjithashtu edhe në fshatin Gllloboçicë. Duke u nisur nga ky fakt, DSHPE-ja ka inicuar nje kërkesë për kontratë emergjente që është kontraktuar në vlerë 6,592.30€ dhe gjatë muajit gusht është intervenuar në lokacionet më me prioritet. Sapo të lidhet kontrata e re për mirëmbajtjen e ndriçimit publik do të intervenohet në të gjitha lokalitetet ku janë evidentuar defekte në rrjetet ekzistuese të ndriçimit publik.*

Një ashtu rruga ndër komunale që lidh komunën Kaçanikut me atë të Hanit të Elezit edhe pas disa viteve si projekt i përfunduar nuk ka pasur mirëmbajtje dhe si e tille shkakton probleme të ndryshme si p.sh. në komunikacion vjen deri tek aksidenti i shumë veturave.

- *Komuna e Kaçanikut ka të kontraktuar kompaninë për mirëmbajtjen verore dhe dimërore të rrugëve lokale. Intervenimet në rrugët lokale kryhen bazuar në nevojat e paraqitura në teren në çdo periudhë kohore gjatë tërë vitit*

Ju falenderojmë për bashkëpunimin tuaj!
Me respekt,


Ramadush Osmani
Drejtore i DSHPE-s



Drejtoria e Urbanizmit, Kadastrit dhe Mbrojtjes së Mjedisit

Kaçanik, 26.09.2023

Për: z. Adnan Reka, Këshilltar i Kuvendit të Komunës së Kaçanikut

Z. Adnan Reka, Këshilltar i Kuvendit të Komunës së Kaçanikut në Mbledhjen e Kuvendit të Komunës, të datës 31.07.2023 ka parashtruar pyetjen:

Se a janë sqaruar dy kërkesat e Ministrise së Mjedisit, Planifikimit Hapsinor dhe Infrastruktues, për shqyrtimin e vendimeve të kundershtueshme, Vendimi 01Nr.104/02-9142/23, i datës 28.04.2023, për shpallje me interes të përgjithshëm publik dhe Vendimi 01Nr.104/02-11896/23, të datës 30.05.2023, për caktimin e lokacionit për nevojat e Handikos. Lidhur me pyetjen të cilën e kam ngritur për projektin e Prroit në F. Runjevë, nuk kam marrë përgjigje, andaj kërkoj një përgjigje me shkrim.

- Vendimi 01Nr.104/02-9142/23, i datës 28.04.2023 për shpallje me interes të përgjithshëm publik, prona e zn. Mevlude Dushkaja, në afersi të objektit të ETC-se është publiku, për shkak se nuk kemi marrë përgjegje në shkresën të cilën ia kemi dërguar MMPHI-se më 06.06.2023.
- Për vendimin 01Nr.104/02-11896/23, të datës 30.05.2023, për caktimin e lokacionit për nevojat e Handikos është çdo gjë në rregull, duke u bazuar përgjigjen me email, të datës 14.08.2023, nga zyrtaria e MAPL-se

Per: z. Betim Shala, Këshilltar i Kuvendit të Komunës së Kaçanikut

Z. Betim Shala, Këshilltar i Kuvendit të Komunës së Kaçanikut, në Mbledhjen e Kuvendit më 31.07.2023 ka parashtruar Pyetjen për drejtorinë e DUKMM-se, se akeni mundësi ta bëni një projekt për rehabilitimin e rrugës në mahallën Rakoc, në hyrje, sepse aty është shumë ngushtë dhe një pjesë e murit duhet me u hequr që me u zgjeru rruga

- Në Bugjetin e Komunës së Kaçanikut për vitin 2024 kemi parapa ndërtimin e trotuarit në rrugën "Reshat Shehu" (Rakoc). Kështu në kuadër të këtij projekti mund të trajtojmë edhe problemin për të cilin jeni interesuar.

Ju faleminderit për bashkëpunimin...

Drejtori i DUKMM-së
Qamil Stagova



Tema –Përgjigje në lidhje me pyetjen e Anëtarit të Asamblesë Komunale Z. Agim Çaka në lidhje me Projektin “Ndërtimi i Shkallëve për Ngjitje mbi Gurin e Shpuar”.

Përgjigje :

I nderuar z .Çaka, në kuadër të investimeve komunale në fushën e turizmit nga Drejtoria e Zhvillimit Ekonomik dhe Turizmit është iniciuar implementimi i këtij projekti i cili në këtë kohë është duke u ekzekutuar.

Kostoja për ndërtimin e këtij shtegu për këmbësor në formë të shkalleve sipas kontratës është 217 .999.35 euro.

Planifikimi është që ky projekt të implementohet në periudhe kohore dy vjeçare.

Projekti në fjalë ka projekt kryesor ku sipas projektuesve përpos elementeve tjera sigurisht se është i trajtuar edhe aspekti i sigurisë gjatë ngjitjes nga forma e shkalleve në mure anësore .


Punët në këtë projekt deri me tani janë kryer rreth 30% .

Qëllimi i këtij projekti është zhvillimi i turizmit respektivisht eksplorimi i dy pikave të njohura historike si : Gryka e Kaçanikut e njohur në aspektin historik dhe në lartësi ku shpien këto shkallë ndodhet Kalaja e Tophanes pothuajse në piken më të lartë të kësaj Gryke , nga kjo pjesë ofrohet një pamje e tërë e pjesës urbane .

Këto shkallë për shkak të pjerrtësisë së terrenit ofrojnë një atraksion për njerëzit të cilët e adhurojnë natyrën si: hiking- bjeshkëtari , eksplorues të ndryshëm ,sportistët, fotografët ,turistët dhe në të ardhmen alpinistët ose kategori të tjera të ngjashme .

Me respekt !

Pranverë Loku- Zharku



Drejtore e Drejtorisë së Zhvillimit Ekonomik dhe Turizmit



Republika e Kosovës
Republika Kosova
Republic of Kosovo



Komuna e Kaçanikut
Opština Kacanik
Municipal Kacanik

Drejtoria për Shëndetësi dhe Mirëqenie Sociale

Lënda : **Përgjigje lidhur me pyetjen e znj.Ardita Rrahmani**

znj.Ardita Rrahmani, Fillimisht ka të bëjë me problematikën e mushkonjave që këtë vit kanë qenë shqetësim për secilin individ dhe familje në gjithë komunën e Kaçanikut. Në bazë të kontakteve edhe me komunat e tjera, jemi ndër komunat e vetme që nuk e kemi bërë dezinfektimin e komunës gjatë sezonës së verës. Shqetësimin rreth dezinfektimit e kam adresuar edhe muaj më parë, por nuk kam marr përgjigje. Ju bëjë apel sepse ende ballafaqohemi me to dhe kërkoj të bëni dezinfektimin e gjithë hapsirës sepse vetëm 210 km² i kemi.

Përgjigje - Sa I perket pyetje rreth dezinfektimit te hapsirave per ket vit nuk kemi planifikuar dezinfektimin e hapsirave publike, kurse per vitin e ardhshem do ta kemi ne planifikim.

Drejtori i DSHMS
Sali Malsiu





Republika e Kosovës
Republika Kosova
Republic of Kosovo



Komuna e Kaçanikut
Opština Kaçanik
Municipality of Kaçanik

DREJTORIA E ARSIMIT

Përgjigje në kërkesën e z. Bashkim Luma: Kërkesë për publikim konkursi për lëndët fizikë dhe kimi në ShFMU "Gafur Luma" në Gllloboçicë dhe ShFMU "Dituria" në Shtrazë.

Përgjigje: Në ShFMU "Gafur Luma" në Gllloboçicë janë 6 orë kimi dhe 8 orë fizikë prandaj ligjërisht nuk kam të drejtë shpallje konkursi kur numri i orëve mësimore nuk e arrin as gjysmën e normës. Në ShFMU "Dituria" në Shtrazë, orët e fizikës mbahen nga profesionisti ndërsa orët e kimisë jo. Në këtë shkollë, paralele e ndarë e ShFMU "Dituria" në Ivajë, nuk ka stabilitet të numrit të nxënësve dhe në kuadër të kësaj shkolle kam problem me tepricë të mësimdhënësve prandaj shpallja e konkursit do të ishte absurditet.

Me respekt,
Drejtori Zahir Doda